



REXISTRO XERAL DA XUNTA DE GALICIA
 REXISTRO DO EDIFICIO ADMINISTRATIVO DE A CORUÑA
 A CORUÑA

Data 06/09/2017 10:30:22

SAÍDA 104446 / RX 1243005



CONCELLO DE CARNOTA
 PRAZA DE SAN GREGORIO, 19
 CARNOTA
 15293, A CORUÑA



EXPEDIENTE Nº: **IF205Z 2017/000050-1**

SOLICITANTE: CONCELLO DE CARNOTA
DOMICILIO PARA NOTIFICACIONES: PRAZA DE SAN GREGORIO, 19, CARNOTA, A CORUÑA


OBRAS OU ACTUACION PARA AS QUE SE SOLICITA AUTORIZACION:
PARALELISMO POR DOMINIO PÚBLICO ADXACENTE
SITUACION RESPECTO A ESTRADA:
 Municipio: **CARNOTA**
 Estrada: **AC-550 - CEE - RIBEIRA**
 Punto Kilométrico: **Dende qm. 20+420 ata qm. 20+607**
 Marxe, en sentido de avance de Kilometración: **Esquerda**

ANTECEDENTES

1. O 17/02/2017 recibíuse no rexistro do edificio administrativo da Xunta de Galicia na Coruña o escrito do solicitante no que pretende autorización previa para levar a cabo "Obras de saneamento e pavimento en Parada". Achega proxecto.
2. O 28/02/2017 os vixiantes de explotación desta zona emitiron un informe sobre esta solicitude. Del se deduce que o dominio público da estrada se atopa entre os 9 e os 10 metros medidos dende o eixo da estrada.
3. O 14/03/2017 foi notificado ó Concello unha solicitude de documentación complementaria, informándolle ao mesmo tempo dos límites de dominio público da estrada. Se recibe contestación o 02/06/2017.
4. O 13/06/2017 foi notificado ó Concello unha nova solicitude de documentación complementaria, xa que a recibida non se considerou suficiente. Se recibe contestación o 24/07/2017.
5. O 24/08/2017 a enxeñeira técnica deste Servizo, responsable da zona, emitiu un informe sobre a solicitude presentada. Nel conclúe que **todas as actuacións previstas son autorizables, segundo a última documentación recibida o 24 de xullo**. En aplicación do artigo 43.2.b) da Lei de Estradas de Galicia, e do 147 do seu Regulamento

NORMATIVA APLICABLE

1. Lei 8/2013, do 28 de xuño, de estradas de Galicia, modificada pola Lei 6/2015, do 7 de agosto (DOG 12/07/2013 / DOG 13/08/2015). En adiante LEG
2. Decreto 66/2016, do 26 de maio, polo que se aproba o Regulamento xeral de estradas de Galicia (DOGA 20/06/2016). En adiante RXEG
3. Lei 39/2015, do 1 de outubro, do procedemento administrativo común das Administracións Públicas (BOE 02/10/2015).





4. Orde, do 31 de agosto, pola que se aproba a Norma 8.3-IC. Sinalización, balizamento, defensa, limpeza e terminación de obras fixas en vías fóra de poboado (BOE 18/09/1987).
5. Prego de prescricións técnicas xerais para obras de estradas e pontes (PX-3).
6. Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia (DOG 11/12/2003), modificada pola Lei 12/2011, do 26 de decembro, de medidas fiscais e administrativas (DOG 30/12/2011), modificada á súa vez pola Lei 2/2013 do 27 de febreiro, de orzamentos xerais da Comunidade Autónoma de Galicia para o ano 2013. Lei 8/2013, do 28 de xuño, de estradas de Galicia (DOG 12/07/2013), modificada pola Lei 6/2015, do 07 de agosto (DOG 13/08/2015).

CONSIDERACIÓNS LEGAIS

1. De acordo co artigo 47.1 da Lei 8/2013, do 28 de xuño, de estradas de Galicia, modificada pola Lei 6/2015, do 7 de agosto, *a execución de obras, instalacións ou a realización de calquera outra actividade na zona de dominio público da estrada ou nas súas zonas de protección está suxeita ó deber de obter a correspondente autorización previa da administración titular da estrada, salvo que expresamente sexa permitida por esta lei ou polo seu regulamento.*
2. No artigo 43.1 da mesma Lei, “ Usos autorizables na zona de dominio público”, no punto 1 se establece que: *na explanación da estrada e na dos seus elementos funcionais poderanse autorizar:*
 - e) Excepcionalmente , conducións subterráneas lonxitudinais correspondentes a ese tipo de redes, cando se xustifique debidamente que polas condicións extremadamente dificultosas da orografía do terreo, ou pola súa condición urbana, non existe outra solución tecnicamente viable e se sitúen, preferentemente , fora da calzada e, cando sexa posible, tamén das súas beiravías.*
 - f) Elementos, obras, actuacións e instalacións necesarios para que as administracións públicas poidan exercer as súas competencias, cando pola súa natureza ou funcionalidade non poidan ter outro emprazamento”.*
3. **No 43.2 apartado b) se recoñecen como usos autorizables no dominio público adxacente os de “ Conducións soterradas lonxitudinais correspondentes a redes e infraestruturas de servizos públicos “**
4. Segundo o punto 4 do artigo 147 do Regulamento desta Lei, “ *As conducións autorizadas non poderán prexudicar en forma ningunha o comportamento resistente e funcional do firme da estrada nin o bo funcionamento e desaugamento dos seus sistemas e elementos de drenaxe superficial e profundo.*”
5. O obxecto da solicitude presentada cumpre co sinalado na Lei 8/2013, do 28 de xuño, de estradas de Galicia modificada pola Lei 6/2015, do 7 de agosto, segundo o informe facultativo da enxeñeira técnico de data 24/08/2017.

De acordo co indicado, **PROPOÑO**

Outorgar esta autorización ao Concello de Carnota, segundo a documentación presentada o 17 de febreiro de 2017, como promotor das obras que son imprescindibles para dar continuidade as redes e infraestruturas dos servizos públicos, no que á estrada se refire, segundo as condicións xerais e particulares que de seguido se relacionan. O condicionado da autorización prevalecerá fronte as especificacións do proxecto no caso de desconformidade entre ambos.





Dado que existirá afección o dominio público da AC-550, **as obras autorizadas non se poderán iniciar mentres non se comprobe a súa implantación sobre o terreo, por este servizo**. Polo que o Concello deberá de comunicar con a antelación necesaria (**mínimo 48 horass**) a os vixiantes de explotación deste Servizo (**Tfno: 628 71 49 36**) a data que preveza para a dita operación.

Antes de comezar as obras, a empresa adxudicataria das mesmas debe presentar perante este Servizo Provincial de Estradas da Coruña o xustificante de ter depositada unha fianza de 1.900,00 € solicitada.

Esta autorización xera a taxa por aproveitamento especial de ocupación de dominio público nun treito de 187 metros de paralelismo.

As obras autorizadas se concretan no seguinte:

Paralelismo para saneamento con diámetro 315 mm. na marxe esquerda da AC-550, entre os P.Q. 20+420 e 20+607, **por fora da explanación da estrada respectando en todo o trazado o pe do terraplén da explanación**. Salvo no punto no que se ten que salvar un hórreo. Neste punto tampouco se afectará á beiravía da estrada.

Reposición dos distintos pavimentos de accesos existentes, no seu caso.

OUTRAS CONDICIÓN PARTICULARES:

1. **Calquera outra desviación ás anteriores condicións deberá ser presentada con xustificación suficiente polo Concello, e aceptada expresamente por este Servizo** cando se comprobe a implantación previamente ó inicio das obras. Unha vez feito o estudo do proxecto pola empresa adxudicataria das obras, e implantadas as condicións anteriores no mesmo, se procederá pola mesma a redefinir no seu caso o trazado da canalización e o replanteo sobre o terreo para que este Servizo poida facer a oportuna comprobación
2. As conducións a instalar deberán reunir as condicións precisas de resistencia. A estes efectos, a Xunta de Galicia non se responsabiliza dos prexuízos que ó tránsito rodado poida ocasionar na instalación, nin dos que xurdan por calquera motivo da estrada.
3. Construiranse pozos ou arquetas adecuadas ó tipo de condución pero fóra da zona de explanación da estrada. Non se autoriza a disposición de arquetas, pozos ou calquera outro elemento de rexistro nos carrís ou nas beiravías da estrada.
4. **Se se afectase á drenaxe profunda da estrada, esta deberá ser repostada ó seu estado anterior.**
5. Os accesos afectados pola actuación reparanse coas mesmas características existentes e cumprindo en todo caso os condicionantes da Orde Circular 2/2017 pola que se regulan os accesos na rede autonómica de estradas de Galicia
6. A actuación deberase realizar de forma que produza a menor perturbación posible sobre a circulación de vehículos da estrada e que garanta a seguridade vial da mesma, e para elo, deberase dispor a sinalización de obras adecuada segundo a Norma 8.3-IC.
7. No seu caso, o solicitante deberá obter previamente a preceptiva **AUTORIZACIÓN da Xefatura Provincial de Tráfico** para realizar o corte ou desvío do tráfico na execución das obras, segundo o recollido no artigo 37 do Regulamento Xeral de Circulación (RD 1428/2003), que xunto co artigo 39 regulan a ordenación especial de tráfico por razóns de seguridade e fluidez e a limitación deste.
8. As obras **executaranse baixo a dirección dun técnico competente, debéndose comunicar a súa designación previamente á unidade da Xunta de Galicia que as autorizase**





9. As obras deberán executarse no prazo máximo de **vintecatro (24) meses**, a contar desde o día seguinte á notificación desta resolución
10. Terminadas as obras autorizadas, **deberase comunicar a este Servizo , a través dos seus vixiantes de explotación** para realizar a comprobación das mesmas por parte deste Servizo de Estradas, establecéndose un prazo de garantía de **1 ano**.
11. **A devolución da fianza queda suxeita ó prazo de garantía e a presentación dos planos de obra, en formato dixital en coordenadas UTM ED 50, onde quede clara e concisa a disposición das canalizacións e todo cambio ou modificación que se poida levar a cabo na obra con respecto a documentación presentada para a obtención da presente autorización.**
12. A Xunta de Galicia non se responsabiliza dos prexuízos que poida ocasionar á instalación o tránsito rodado ou calquera outra causa derivada da estrada, nin dos que poidan ocasionarse con motivo da execución de obras da estrada, si se derivan do incumprimento de calquera das condicións desta autorización.
13. En calquera momento, a Consellería competente en materia de estradas poderá modificar ou suspender a autorización, particularmente no caso de obras a executar por conta da Xunta de Galicia que afecten a estrada.

CONDICIÓN XERAIS:

1. A autorización outórgase a reserva das demais licenzas e autorizacións necesarias, sen prexuízo de terceiros e deixando a salvo os dereitos preexistentes sobre os terreos ou bens. Non suporán en ningún caso a cesión do dominio público, nin a asunción pola administración titular de ningunha responsabilidade respecto da persoa titular da autorización ou de terceiros.


A Administración titular da estrada poderá, en calquera momento, modificar ou suspender temporal ou definitivamente a autorización cando a actuación produza danos no dominio público viario, por incumprimento das condicións da autorización, por poñer en risco a seguridade viaria ou cando alteren os supostos determinantes do seu outorgamento.

2. Esta autorización entenderase outorgada a precario na parte que afecte á zona de dominio público.

As autorizacións outorgadas para a realización de obras, instalacións ou actividades na zona de dominio público poderán ser revogadas unilateralmente polo órgano que as outorgou en calquera momento por razóns de interese público, sen xerar dereito a indemnización, cando sexa necesario por motivo de calquera obra que vaia realizar na estrada a administración titular desta, e quedará obrigada a persoa solicitante a retirar pola súa conta os elementos instalados.

As autorizacións outorgadas para a realización de obras, instalacións ou actividades na zona de dominio público exclúen o aboamento á persoa interesada de calquera indemnización por razón dos danos e perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola administración titular desta, incluídas as de conservación. Nese caso, a reposición das obras e elementos amparados pola autorización será por conta da persoa interesada.

3. Dado que esta obras, instalacións ou actividades autorizadas implican a utilización privativa, ocupación ou aproveitamento especial do dominio público viario de titularidade autonómica, de conformidade co artigo 38 e seguintes da Lei 6/2003, do 9 de decembro, de taxas, prezos públicos e exaccións reguladoras da Comunidade Autónoma de Galicia (DOG 11/12/2003), xeran o dereito de cobro da taxa regulada na sección V do título II da dita lei.





4. Dado que a taxa se xestiona por autoliquidación, **o seu importe deberá ser pagado no prazo dun mes a contar dende a notificación desta autorización.** Transcorrido o dito prazo de pagamento voluntario, iniciárase de oficio o procedemento de comprobación limitada dos artigos 136 a 140 da Lei 58/2003, do 17 de decembro, xeral tributaria, cos correspondentes xuros de mora, segundo o artigo 26 da dita lei.
5. No enderezo electrónico <http://www.atriga.gal/tributos-da-comunidade-autonoma/taxas-e-prezos/taxas-e-prezos> ten a información actualizada e o **impreso que se poderá descargar** para realizar a autoliquidación en calquera banco ou caixa de aforros colaboradora na recadación. Realizado o pagamento, deberá entregar ou remitir ao Servizo Provincial da Axencia Galega de Infraestruturas nesta provincia o exemplar xustificativo para a Administración, nos dez días seguintes a realizar dito ingreso.
6. **Neste primeiro ano, a tarifa prorratéase en función do tempo de gozo da autorización,** computándose en meses enteiros e redondeando ao enteiro inmediatamente superior. Nos anos sucesivos, a tarifa deberá ingresarse integramente e actualizarse segundo o coeficiente que establezca a Lei de orzamentos Xerais da Comunidade Autónoma de Galicia.
7. **A taxa ten carácter permanente, mentres se manteña a vixencia da autorización outorgada** (dez anos prorrogables segundo o artigo 49.4 da Lei 8/2013, do 28 de xuño de estradas de Galicia), e nos anos posteriores devéngase o 1 de xaneiro de cada ano debendo realizar a autoliquidación nos vinte primeiros días do mes de xaneiro. Transcorrido dito prazo, iniciárase de oficio o procedemento de comprobación limitada dos artigos 136 a 140 da Lei 58/2003, do 17 de decembro, xeral tributaria, cos correspondentes xuros de mora.

A autorización producirá efectos mentres permaneza o obxecto determinante do seu outorgamento e será transmisíbel previa notificación do cambio de titularidade a este Servizo. Con carácter xeral, o prazo máximo da autorización será de dez anos, e poderán concederse, logo da solicitude da persoa interesada, ata dúas prórrogas por períodos de igual duración. **Antes de que transcorra o prazo da autorización, a persoa titular poderá solicitar unha**

8. As obras executaranse conforme ó proxecto presentado para a obtención da autorización, no seu caso, e de acordo coas condicións desta. O condicionado da autorización prevalecerá fronte a especificacións do proxecto no caso de desconformidade.
9. As obras executaranse baixo a inspección e vixilancia do persoal integrado neste Servizo. As obras executaranse cumprindo todas as condicións de garantía e seguridade polas disposicións vixentes e, ademais destas, o petionario aceptará as especiais que se poidan impoñer para a seguridade da estrada e do tráfico.
10. A administración competente poderá dispoñer, sen máis trámites, en resolución motivada, a inmediata paralización das obras e a suspensión dos usos non autorizados ou que non se axusten ás condicións establecidas nas correspondentes autorizacións outorgadas por ela.
11. Durante a execución das obras adoptaranse as precaucións oportunas para que en ningún caso se produza arrastre de terras ou de calquera outros materiais á plataforma ou gabias da estrada, ben adheridos ás rodas dos vehículos ou maquinaria que participe nas obras o por calquera outra causa.
12. O titular da autorización será responsable de todos os danos e prexuízos ocasionados á estrada, á súa zona de influencia, a terceiros ou na súa propia actividade con motivo da realización da obra, actuación ou instalación autorizada, quedando obrigado a repoñer, ó seu cargo, os elementos da estrada que resulten afectados pola execución das obras, restituíndoos ás súas anteriores condicións de seguridade, funcionalidade e aspecto.





13. O titular da autorización será responsable das operacións de conservación e mantemento requiridas pola obra, actuación ou instalación obxecto de autorización e que sexan necesarias para garantir a salubridade, accesibilidade, seguridade e funcionalidade menoscabadas como consecuencia do uso destas.
14. O incumprimento de calquera das condicións impostas nesta autorización poderá ser considerada como infracción leve, grave ou moi grave segundo o artigo 61 da Lei 8/2013, do 28 de xuño, modificada pola Lei 6/2015, do 7 de agosto, de estradas de Galicia e dará lugar á tramitación do expediente coa sanción que proceda.


Contra esta resolución, que non pon fin á vía administrativa, poderá interpoñer recurso de alzada ante o Director da Axencia Galega de Infraestruturas no prazo dun mes, contado desde o día seguinte ó da notificación desta autorización.

Mediante este documento notificaselle esta resolución segundo o esixido no artigo 21.1 da Lei 39/2015.

A Coruña, 04 de setembro do 2017

O xefe do Servizo

Helipe de la Vega Gándaras



PLAN ÚNICO DEPUTACIÓN
INFORME TÉCNICO SOBRE O INVESTIMENTO

CONCELLO DE :	CARNOTA
DATA DO INFORME:	14/09/2017
NOME E CARGO DO INFORMANTE:	José Carlos Leis Caruncho Arquitecto Servizos Técnicos Municipais
DENOMINACIÓN DO INVESTIMENTO:	Saneamento e pavimentación en Parada
PRESUPOSTO DO INVESTIMENTO:	75.472,36€

AUTORIZACIÓNS

Sobre esta actuación consta unha autorización, con condicións, do Servizo Provincial da Coruña da Axencia Galega de Infraestruturas, de data 04/09/2017 (r.e. núm. 2594, do 11/09/2017).

Analizadas as condicións particulares e xerais expostas na dita autorización, obsérvase que non inflúen, dende o punto de vista técnico, no proxecto de obra presentado, polo que entendo, que non é necesario variar o contido deste.

Carnota, 14/09/2017

José Carlos Leis Caruncho